

գեղեղեցական հայոց, սկսեալ ի մկրտութենէ մինչև վերջին աստիճան» և այլն: Քա-
հանայապետական այս լուրջ կարգադրութեան պատճառներն են — ինչպէս կ'իմացուի —
առ Ս. Փահ հասած կարգ մը աննպաստ լուրեր, որոնք կասկածի ենթարկած էին
Հայ կղերականներէ ոմանց ընդունած Ս. Խորհուրդները և Չեռնադրութեանց օրի-
նաւորութիւնը: Աբրահամ կաթողիկոսի կատարած ըննութիւնը զժբախտ արդիւնք
մը կու տայ յանձին Հայ բարձրաստիճան ծանօթ եկեղեցականի մը՝ Սուքիաս եպիս-
կոպոսին, որոյ ընդունած Խորհուրդները անվաւեր կը հռչակուին. ըստ այնմ իբր
հետեանք նոր կարգադրութիւններ կ'ըլլան:

Երկրորդ կարևորութիւն մ'ալ, զոր կը ստանայ մեր վաւերաթուղթը, այն է՝ որ
Ս. Փահանայապետը կը պատուիրէ Հոովմ զտնուող բոլոր արեւելեան ազգերուն,
որպէս զի ամէնքն ալ իրենց զգեստով և արարողութեամբ կատարեն թէ պատարազը
և թէ միւս ամէն եկեղեցական հանդէսները:

Այս լուսամտիտ հրահանգը պէտք է նախամուտ նկատենք տասնեակ մը տարի
վերջ Բենեդ. ԺԳ.է հրատարակուած այն հռչակաւոր և յաւերժական յիշատակաց
արժանի կոնդակին («Մատուցան ի ժողով յարգելի եղբարց»)՝ զոր ուղղեց «Առ Միսիո-
« նարս կարգեալս ընդ արեւելս յազգաս պահպանութեան Միսից եկեղեցւոյն Յունաց
« և այլոց Արեւելեայց» (հրտ. յամին 1755 Մարտի 13): Նախամուտ կոչեցինք, որով-
հետեւ Ս. Հայրն ինքնին այդ կոնդակը տուած ատեն՝ այսպէս կ'ըսէ. « Զնոյն և մեք
« հեղինակութեամբ մերով հաստատեցաք, շարժեալք մանաւանդ ի վճռոյն եղելոյ
« յայլում նուազի ի ժողովոյ անտի տարածման հաւատոյ, ի 31 յունվարի յամին
« 1702. որ յայնմհետէ բազում անգամ հաստատեցաւ և նորոգեցաւ »:

Հանրական թուղթիս հայերէն թարգմանութիւնը կատարած և 1755-ին հրա-
տարակած է ի Հոովմ Միս. Ուիտէս Հ. Վրթանէս Ասկերեան: Նոյնը երկրորդ անգամ
հրատարակուեցաւ 1914-ի ԲԱԶՄԱՎԵՊին մէջ (տես էջ 379, 417):

Փերապատուելի և գերյարգելի տեսաւոյ իմոյ մեծաւ յարգութեամբ ողջոյն մատուցանեմ

... Ներկայ գրիւս ոմանս իբր պարտ է ինձ ծանուցանել գերյարգելութեան ձերում,
նախ գեոապայծառ Պատրիարզին կողմանէ. նախ յայտ լիցի որ առաջ քան գերկրորդ
անգամ անկարծակի սաստկապէս հիւանդանալն իւր, փափն իւրեան իշխանութիւն տվաւ
առ ի որոնել և քննել զեպիսկոպոսունս և զեկեղեցականս հայոց ըսկսեալ ի մկրտութենէ
մինչև վերջին աստիճան, որ քաղաք, որում անձէ և որոյ ազաքաւ առեալ են զկարքն և
այլն. արար զքննութիւնս ամենեցուն. բաց ի միուն զամենեքին օրինապէս առեալ են
զկարքսն. և այն մէկն իսկոյն հրամանաւ հայրապետին արքելեցաւ պատարագելոյ և
խոստովանանք լսելոյ. ես զատկին պիտի վերստին օրհնէ, տալով նմայ զամենայն
սուրբ աստիճանս. և պատճառն է զի օրհնողն իւր առանց ընդունելոյ զկարք քահան-
նայութեան եպիսկոպոս եղեալ է. այս բանս հոսմ ամենայն արեւելեան ասզաց յայտնի
է, և ս բազում Ֆոանկաց. բայց տեղդ կարծեմ զեռ և ս չէ լսվաց, վասն որոյ խնդրեմ
մնասցէ ի ներքոյ կնքոյս Ս[ուքիաս] եպիսկոպոս¹:

Իւս յայտ առնեմ զի Փափն հրամայեաց ամենայն արեւելեան ասզաց հոսմ եղելոց,
զի ամենեքեան իւրեանց ըսկէստիւ և արարողութեամբ առնեն զպատարագն և զայլ եկե-

1. Այս դէպքը կը պատճուի նաև Աղաջայ Պետրոսի առ Միսիթար գրած մէկ նամակին մէջն այսպէս.
«... զտուրիս եպիսկոպոսն ևս առդիւլել ին ամ մ որ ոչ պատարաք կասէ և ոչ խոստովանութիւն լսէ և թէ զպատճառն
կամիս գիտել նայ, ասաց հոգեւոր հայրն թէ ոչ է ձեռնադրեալ, ստուկ այսինքն իսալս և անհաստատ եպիսկոպոս
էղել է նայ վճօր զտուրիս եպիսկոպոսն ձեռնադրած ըլլայ. վասն որոյ առդիւլեալ է զաւալին...» (Գր. 1743
Մարտ 23, Հոովմ):